



Linn Hagesæter
Hakset 67
5915 Hjelmås

Utvida løyve til utsetting av utanlandske treslag til juletreproduksjon

Linn Hagesæter får fornya sitt løyve til utsetting av utanlandske treslag til juletreproduksjon. Løyvet gjeld utsetting av 25 000 tre til og med 2022. Det er knytt vilkår til løyvet.

Vi viser til e-post mottatt 19. januar 2018 og telefonsamtale i forkant av dette. Du har bedt om at løyvet til utsetting av utanlandske treslag gitt 13. februar 2013 blir fornya med varigheit til og med 2022.

Utsetting av utanlandske treslag til skogbruksformål vart søknadspliktig då ny forskrift tok til å gjelde den 1. juli 2012. Vi starta då med å gi opp til femårige løyve til juletreproduksjon. Vi gjekk raskt over til å gi tiårige løyve for å gjere praksis lik som i nabofylka. Ditt løyve vart gitt før dette, og du er difor ein av få som fekk løyve avgrensa til fem år. Vi har valt å ta omsyn til dette, og vurderer dermed e-posten frå deg som ein søknad.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova §§ 8-12 ligg til grunn for sakshandsaminga.

Treslag og mengd

Det er søkt om å plante ut 25 000 tre i perioden 2018 – 2022 av følgjande treslag:

Norsk namn	Vitskapeleg namn	Del av tot.	Svartelistestatus
Fjelledelgran	<i>Abies lasiocarpa</i>	50%	Låg risiko
Fraseredelgran	<i>Abies fraseri</i>	15%	Ikkje omtalt
Nordmannsedelgran	<i>Abies nordmanniana</i>	10%	Vil truleg ikkje reprodusere i norsk natur neste 50 år
Koreaedelgran	<i>Abies koreana</i>	5%	Låg risiko
Serbergran	<i>Picea omorika</i>	20%	Ingen kjent risiko

Utsettingsområdet

Garden ligg i eit åslandskap sør i Lindås kommune. Sjølve utsettingsområdet ligg i eit dalføre med ei bratt skråning mot Gjerdfjellet i vest og med Hagasethaugane i aust. Utsettingsområdet er på om lag 100 dekar og er tidlegare fulldyrka eng og innmarksbeite.

I følge Naturbase og Artskart er det ikkje registrert trua eller sårbare artar eller naturtypar i konflikt med utsettingsområdet.

Vurdering

Vedtaket byggjer på informasjon om treslaga og utsettingsområdet frå Naturbase og Artskart, i tillegg til søknaden av 4. februar 2013 og telefonsamtalar med søkjar i januar 2018. Vår vurdering er at saka er godt nok opplyst til å vurdere verknadane på naturmangfaldet, jf. kravet til kunnskapsgrunnlaget i naturmangfaldlova § 8. Føre-var-prinsippet i naturmangfaldlova § 9 blir difor tillagt liten vekt.

Dei aktuelle treslaga er ikkje svartelista, og det er ikkje registrert særskilte naturverdiar som krev ekstra omsyn i utsettingsområdet. Utsettingane skal skje i område som allereie er etablerte juletrefelt.

Trea skal nyttast til juletreproduksjon og alle trea utanom koreaedelgran blir hogde før dei set frø. Koreaedelgran er eit treslag som produserer kongler frå ung alder, allereie frå treet er 1-2 meter høgt. Lite er kjent om konglane kan produsere frø så tidleg og om frøa i så fall er spiredyktige. Treslaget er vurdert til låg risiko og er ikkje svartelista (Gederaas mfl. 2012). Likevel ber vi søkjar om å halde ekstra oppsyn med dette treslaget når det byrjar å bere kongler.

Tre produsert for juletresal blir hogde i ung alder og spreingsfaren er liten. Vår vurdering er difor at juletreproduksjon her ikkje vil bidra i særleg grad til å auke den samla belastninga på økosystemet, jf. naturmangfaldlova § 10.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Etter ei samla vurdering kan vi ikkje sjå at det planlagde tiltaket vil medføre vesentlege uheldige følgjer for naturmangfaldet, jf. § 7 i forskrifta.

Vedtak

Linn Hagesæter får løyve til å sette ut utanlandske treslag til juletreproduksjon på gnr. 205 bnr. 2, 3 og 6 i Lindås kommune på følgjande vilkår:

- Løyvet gjeld for dei omsøkte områda i kartvedlegget.
- Løyvet gjeld til og med 2022.
- Løyvet gjeld for 25 000 tre med anslagsvis fordeling:
 - 50% fjelledelgran
 - 15% fraseredelgran
 - 10% nordmannsedelgran
 - 5% koreaedelgran
 - 20% serbergran
- Fjelledelgran, fraseredelgran, nordmannsedelgran og serbergran må hoggast før dei set frø.
- Koreaedelgran må hoggast innan 15 år.
- Koreaedelgran må få ekstra oppsyn etter at trea byrjar å bere kongler.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn, jf. forskrifta § 10.
- Dette dokumentet må gjerast kjent for ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Miljødirektoratet, men sendast til Fylkesmannen i Hordaland, jf. forvaltningslova § 32.

Med helsing

Olav Overvoll
seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.